

增修萬縣志



同治丙寅年鑄

萬川書院藏板

萬川書院藏板

增脩萬縣志序



萬固東川一都會也自漢
胸忍羊渠以及前明萬縣
中間更名六併縣一設郡
者三置州者五其山川雄
奇幅員遼闊人物風俗都

雅常為巴東冠余嘗躡高
梁之脊陟西山之顛濯巴
江之流擷南屏之翠固已
遠矚高瞻暢然滿志而一
念都歷猶昔夢鳳奚存臨
江不遠興霸安在魯東之

流杯廢圯山谷之留題剝
蝕此外碑殘簡蠹名湮沒
而不彰者曷可勝道俯仰
憑弔感慨歎歎矣咸豐二
年春邑侯曉邨年丈以萬
志請蓋舊志之作百有餘

年於茲矣丁明府九軒學
博龔君始續脩之未盡梓
而明府移英井介三物故
雖然介三志槩既已裒然
成集而余猶尸之余將覲
然竊纂述之名乎於是三

辭不獲而初服固未改也
客有為侯言者曰萬志待
成亟矣今侯舉職先生贊
襄之不暇僕未得所以必
辭者也余曰漢晉以降代
有國史尚矣志外史也故

統志其大省志其要郡縣
志其詳夫志橐詳矣又何
加焉夫馬史班書使蔚宗
繼之而思精體大褚先生
補之而記陋文靡纂述非
異志也或以靡陋貽笑或

以精大揚芬則材之厚薄
異也今萬志急於蒐采而
鄙人謏陋十倍褚生欲以
拘牽之義續鴻衍之辭必
又為褚生笑矣且志傳信
人物重焉吾庸詎知前之

所輯悉發幽潛而毋以硤
硤亂玉耶吾庸詎知今之
所采允協輿評而無遺佚
耶如非遺則誣也其謂之
何客曰不然吾聞君子善
善也長而惡惡也短夫志

橐編士女廣任卹其取善
不謂不博然而梨棗未行
薦紳先生之徒拾其遺珠
棄璞待子起而表章者懿
好之良不可沒也夫茅拔
而茹連者常也禾盛而莠

生者偶也今子慮蘊薰之
雜進是猶畏稂莠而並鋤
嘉禾惡碣硤而並擯美玉
也不亦惑乎春秋據事直
書而美惡自見傳信傳疑
真偽不能掩也斯民三代

所以直道而行而又何苛
求焉班掾之才也不能削
太史已定之書司馬子長
之良也不能脩太初以後
之紀互相因者互相待也
今志橐其無待耶鵠首鵠

尾之分次不定則談星野
者荒矣魚泉安鄉之本末
不備則述建置者疎矣風
俗不錄沿習之實則忘利
導而治化微矣兵防不溯
建營之由則狃安常而武

脩弛矣及若山川壇廟戶
口坊表塋墓職官政績選
舉封蔭士女人物節孝義
行大年均不能無待於補
苴也且先生又不得以材
薄解夫營宮室未竣罷之

而日待公輸公輸善營矣
而室成無日矣今待班馬
之材以補一邑之乘是猶
待公輸成室之說也夫馬
班不世出而郡縣志以千
數若皆拱手閣筆彼魯池

東屋越雞夢鳳之迹先生
其孰從而憑弔之先生又
惡得以材薄辭余惶然無
以應客乃集萬人士蒐羅
補增間以鄂垣之警開局
復罷將成而曉村邑侯已

引疾去厥後馮邑侯樹堂
因而取裁欲自成一書而
倉卒不備同治三年邑侯
張鶴儕同年奉檄增修再
集采訪士益以後十年事
而余適又去任越明年冬

余有北上之行張侯率邑
人士復設局延余重加輯
纂相與商確訂正為志者
六卷三十有六亦知其繁
用備輜采三閱月而書成
因書前客為王邑侯言者

於簡端以明余之補綴非
得已云

同治五年春二月前萬縣
訓導樓峯范泰衡謹識

增修萬縣志叙

從來作述之事待其人而後興尤必待其人而後成此中蓋有數焉始作者難述者亦不易以述而愈作者之難志乎志難史也史者千百事

間一邑之山川人物風俗政治不無因革損益述其富而未能不紀其窮古今郡縣志以千百計如常道將之志華陽康對山之志武功尚矣後此非失之繁即生之簡

甚或三長未擅五難不知
言之爲文行之不遠非史
材惡能勝其任乎此志之
所以必待其人也宋趙鼎
贊志南浦王子申敘新
志久佚不傳第之有志創

自乾隆大令劉君代志年
湮眇而不備至道光戊申
學博龔君慨然督纂輯定
大令請也旁搜雜引蔚然
成集暇者待補苴繁者付
節取未求善也功未藏了

公去而懿君即世王曉村大
令以席官宗山年丈范君
不得辭乃為增輯釐正之
將成而王公引疾去已而馮
大令因其繁縟而簡之將
欲成一家之言乃語焉不詳

棄取昭然不足以信今傳後
因治壬戌夏余甫下車籌
防勦事將畧考山川之險隘
道里之遠近按馮志求之不
可得謁范君丈讀所輯志
高深瞭如指掌商同艱險分

布守崇縣境獲金志之有
益於地方者大笑嗣奉
大憲檄取縣志無以應亟請
纂成梓之而官軍丈因團練
事不果旋於甲子冬辭位去
余因桴賊查團嘗東遊黑

象西登木樨天城南歷翠
屏木馬北踞鐵鳳高梁慨然
歎山之雄奇地之險要與古
田原村莊之富且庶也又雲
沿沂水大江之東潞溪河之
曲折穆然見水之秀且麗也

在任歷四年與邑之賢士遊
觀風考俗然志趣風氣之敦
樸也而志氣剛闢焉而邑年
丈又將入都就養矣余惶
然懼志之終不日成也守土之
責其又安辭乃與邑人士

漫延累年丈於乙丑伏臘設
局相與採訪重加訂正至丙
寅春暮告成所謂待其時
而後成者非耶夫某志之
成於前代不可考自乾隆丙
寅成舊志百餘年間豈果

之纂修之人乎抑其時之有
待乎近懿君起而纂輯迄
今幾廿年將成而未成者又
至再至三卒成於光緒軍丈
之手舊志以兩寅成新志
仍以兩寅成即有數存乎其

間耶以近年文史材也而志五
篇益以近十餘年人文事實
或舍舊從新或分門附載
而於地利國防諸大端三致
意焉其綱左綱有條不紊以
視華陽武功繁而不殺洵足